



Шоһроо эл, поришлык да гын берг!

20-шо (3304) №,
2017 ий 13 май,
шуматкече.

ЯМДЕ ЛИЙ

1933 ий 1 февраль годсек лектеш.

0+

Йоча газет - йолташ

Подписке - 2017

Элеонора ден Эсмеральда Александровамыт (снимкыште) Йошкар-Оласе 14-ше номеран гимназийыште 2-шо «В» классыште тунемыт. Ёдыр-влак изинек тёрлө конкурсышто мастарлыкыштым тергат, пайремлаште усталыкыштым ончыкат. Эн тунжө – рудолаште илен, руш да моло калыкын йочашт-влак коклаште кушкыт гынат, «Ямде лий» газетым кажне шуматкечын чон йулен вучат. Ачашт, Марий Оныжа Эдуард Васильевич, когыляныштат ик экземпляр гыч «Ямде лий» газетлан подпискым ыштен пуэн. Марий йылмым туныктышо Раисия Алексеевна Шабдароват шочмо йылмын шерге да тудым нимо дене вашталташ лийдымым ёдыр-влаклан раш умылтара.

Д.ГРИГОРЬЕВА.



Авторын фотожо.

11-21 МАЙЫШТЕ Россий мучко подписке декаде эрта.



«Ямде лий» газетлан тыгай ак дене возалташ лиеш:

- ◆ 259 тенгеат 98 ыр – почтальон мөнгыда конден пуа;
- ◆ 245 тенгеат 70 ыр – почтышко шке миен налыда гын.

Таумутна

«Ямде лий» газетын ончысо юнкоржо, ятыр ий радиожурналыштыр тыршыше Дина Ивановна КОРАБЛЁВА шочмо Мустай школжылан (Шернур район) 2017 ийын кокымшо пельжлан 10 экземпляр «Ямде лий» газетлан подпискым ыштен.



«Ямде лийым» «Почта России» каталогышто муыда. Индекс: П4696

Лотерей

Тыйын роликан конькиет уло? Уке гын, тыгай коньким «Ямде лий» газетын эртарыме лотерей модышышто сенен налын кергат. 2017 ийын II пельжлан «Ямде лий» газетлан подпискым ыште да квитанцийын копияжым редакцийыш колто.

Рекламе.



Уверлан уло вер



Марий Эл Республикысе образований да науко министрлан Наталья Васильевна АДАМОВАМ шогалтыме.


Н.В.Адамова Йошкар-Оласе 29-ше да 6-шо номеран школлаште директор лийын. Пыгартыш жагыште оласе образований управлений вуйлатышын алмаштышыжлан ыштен.

«Ямде лийын» чап онаже

Марий Турек район Сардаял школын 7-ше классыштыже тунемше Нелли СОРОКИНА



Сайын тунемеш. «Юнкор» кружокыш коштеш. «Ямде лий» газет дене пенгыде кылым куча. Туризм дене тангасымашлаште кокимшо ден кумшо верлам наледен. Шымлыме пашалан кумылан. Татарстан Республик Балтаси район Ципья школышто эртыше икымше научный конференцийыште икымше верым налын. Почеламутым сылнын лудаш йората. Школышто эртыше конкурсышто икымше верыш лектын. «Живая классика» районысо конкурсышто тангасен.



«Новая звезда»

конкурсышто Россиянын 85 регионжо гыч мурызовлак тангасат. Марий Элын чапшым Татьяна Шашкова (Татьяна Шик) аралаш тунгалеш. Конкурс ныл йыжын дене эрта, 12 сенышым палемдат, нунышт августышто кугу концертым ончыктат.

«Новая звезда» проект
Россий оборон министр
Сергей Шойгу почеш шочын.



Поэтым шарнен

4 майыште Марий Эл Республикысе тувыран сулло пашаенже, уста поэт Александр Селинлан Портанурышто шарнымаш онгам почыныт. Ила гын, тений поэт 80 ийым тема ыле. Пайремышке Йошкар-Ола, Провой кундем гыч уна-влак толыныт. Тунемше-влак Селин лудмаште мастарлыкштым ончыктеныт. Памар школын тунемшыже-влак (снимкыште) сеныше-влак радамышке логалыныт.

Н.И.НОВИКОВА.

Волжский район.

Орава пӧрдеш



Конкурсышто корнысо правилым, медициным палымым тергеныт. Фигурный вожденийым, творческий конкурс-влакым эртенна. Индеш команде кокла гыч ме 1-ше верым сенген нална. 4-ше ден 5-ше класслаште тунемше-влак «Безопасное колесо» кружокыш уло кумылын коштына. Тудым Л.В.Мочаева вӱда (снимкыште - шолаште).

Мария ВТЮРИНА, 5-ше класс.
У Торъял школ.

Йоча да самырык-влаклан Колумб лумеш библиотеке поэтын шочмо кечыжлан «Валентин Колумбым лудына» акцияым увертарен. 5-11-ше класслаште тунемше-влак почеламутым сылнын лудыныт. Екатерина Алексеева (8-ше кл.) Колумб нерген презентацийым ямдылен.

Н.Н.КУДРЯШОВА.

Йошкар-Ола, 1-ше №-ан школ.



ОНЧЫКО ВУДАТ ПАМПАЛЧЕ:

Пионерийын 95 ияш лүмгечыж-

лан пөлеклалтше «Мыйын еш архивем» республикысе конкурсыш 13 еш ушнен. Кум тагас лийын: 1) «Еш архив», 2) «Мемнан вожатый эн сай», 3) «...Пионер – кажне йочалан йолташ!»

ЭЧУК: Сегышыш Марий Турек район Арбор гыч Диана Семёнова лектын. Кокымшо вер дене Александр Иванов (Волжск, 10-шо №-ан шк.) палемдалтын. Козьмодемьянск лицейын тунемшыже-влак Матвей Упоров ден Иван Ванчугов кумшо лийыныт.



Диана Семёнован коваже 40 ий школышто пашам ыштен: тышеч 23 ийже пионервожатый лийын.

М.В.Семенован вуйлатымыш почеш кумшо «Келшымаш костёр» Арборышто эртен. Тушко Марий кундемысе Марий Турек, Татарстан Республикасе Балтаси, Виче кундемысе Малмыж районласе түрлө школ гыч пионер-влак погыненыт. Мария Васильевна вуйлатыме дружине 1975 ий гыч республикыште правофланговый лийын. Шкенжым туныктышовлакын **III республиканский съездын делегатшылан** сайленят.

Кызыт кова – кум уныкалан сай йолташ.



Оршанке район Шулко школын тунемшыже Виктория Кузьминых коваже, О.И.Сушенцова, дене кугешна. МАССР-ын 15 эн сай пионервожатыйже дене пырля Ольга Ивановна Польшыш миен. Школышто пионер пашам устан ворондарен шогымыштлан нунылан тыгай пөлек лийын. **«Победитель соцсоревнований 1979 года»** значок дене палемдалтын.

О.И.Сушенцован вуйлатыме дружине 2000 пушенгым шынден, 6 тонн күртнё пудыргым, 1050 килограмм тошто кагазым, шошым куэ лышташнерым, шыжым пыздыгычкым поген.



Моло фотом vk.com/yamde_lii электрон адрес дене ончыза.

Пётр Еросланов – Советский район Кельмаксолла школысо «Кече» йоча ушемын ик эн чолга енге (**снимкыште - шолаште**). Тыгай койыш-шоктыш коваж деч куснен. Коваже Лидия Викторовна (**снимкыште - пурлаште**) Руюсола школышто пионервожатыйлан тыршен. Кодшо курымын 80-ше ийлаштыже пионер-влак **«Миллион – Родине», «Зелёный наряд Отчизны», «Тимуровец»** операцийлаште чолган участвоватленыт. Л.В.Еросланован вуйлатыме дружине правофланговый-влак радамыште лийын.

Авторын фотожо-влак.

Л.ГРИГОРЬЕВА.

Еш пыжаш



Энертыш улына

Мый ешем моткоч йоратем. Авамлан кертмем семын эре полшем. Шольнымым модыктем. Авам мыйым вўчкалта, ниялта, шыман гына ондалеш. Мый йоратымыжым шижам.

Анна АЛЕКСАНДРОВА.
* * *

Авамым аралем,
Пашамат ышташ полшем.
Коклан вуем ниялта,
Шўм пелен ондал шында.

Эмилия АЛЕКСАНДРОВА.

Мыйын ачам – сварщик.
Эрдене кая да кастене веле толеш. Авамат – эр гыч кас марте пашаште. Мый школышко коштам. Авамлан шўжарем ончаш полшем. Авай тидлан пеш куана, «Мыйын энертышем», – манеш.

Катя РАССАНОВА.

Морко, Коркатово.



Шергаканем

Пагалыме аваем,
Пешак тыйым йоратем.
Мотор да ушан улат,
Пример мыланна лият.
Кажнынам чот чаманет,
Кочкашат тамлын пукшет,
А лектеш яра жапет -
Гитарынат шокталтет.

Вика ТИМОФЕЕВА.
Морко, Эгерсола.

15 май - Ешын тўнямбал кечыже

ООН Генеральный ассамблейын пунчалже почеш 1993 ий гыч палемдалтеш.

Эн сай ача

Ачам Валерий Трофимович Иванов – эн поро, эн ушан, эн мастар, эн пенгыде суртоза, авамлан ўшанле энертыш. Тудын дене пырля кеч-могай пашам ышташ куштылго. Жапыште воштылтен мошта, кўлешан ойым пуа. Мый ачамын мутшым колыштам, сайын тунемаш тыршем. Ача-емым пеш чот йоратем. Тудо эн-эн сай ача!

Юлия ИВАНОВА.

Куженер, Шорсола.



Авана пеленна



Тенийысе 8 Март пайремым авана, кована, акана-влак кужу жап шарнаш тўналыт. Ме нунылан рецепт почеш изи тортым ямдыленна. Туныктышына Ирина Валерьевна Шабалина дене пырля изирак концертым ончыктенна. Йоратыме аваем Лалогуль Максutowна тиде пайремыште шуко фотом ыштен, иктыже - тевет!

Настя ЯНДЫГАНОВА,
2-шо класс.

У Торъял, Тошто Торъял.

Шоляш

Рома - изи шоляшем,
Тудым пешак йоратем,
Акаж семын аралем,
Пеленем малаш пыштем.
Эрден школышко каем -
Монгө пўртылмем вуча.
Пўкеным нумал конда,
Окна ончыко кўза,
Уло кертмын «Ака-а! То-ой!»
Уремышке кычкыра.
Урок пыта - пўртылам,
Осам почын пуралам.
Рома мый дечем шылеш,
Мумек, шокшын ондалеш.

Настя МИХАЙЛОВА.
Морко, Шўргыял.



Калыкмут-влак

✓ Ешыште пучымышат нугыдо.

✓ Ешыште келышмаш озалана гын, пиал тушко корным муэи.

✓ Икоян ешыште йўштыштитат шокишо.


✓ Сай ешыште сай икшыве-влак кушкыт.

✓ Икоян еш ойгым огеш пале.

✓ Еш айдемылан илыш корным пуа.

✓ Еш уке - пўртат уке.

В.СМИРНОВ поген.



ЭЧУК-
Л А Н

коваже когылым кўэшт ямдылен. Рвезылан кўчык корным ончыкто.





2020 ИЙ
МАРИЙ ЭЛЛАН - 100 ИЙ

Вич урем

Ярамарий ялем вич уреман. Мый Ёлыпсолаште илем. Ялыштына кок памаш уло. Пакча шентелне – чодыра. Тушко ковам дене пырля понгым погаш коштам. Ял деч тораште огыл – плотина. Тушто кенежым йуштылына, колым кучена. Шочмо кундемыштем юж яндар, шулаш ласка.

Волжский район.

Эльвира ИВАНОВА, 4-ше класс.

Ялнам сораастара

Токсар ялем кеч-могай пагытыште мотор. Ял вуйышто олма сад уло. Тушто ятыр энжывондо кушкеш. Шошым сад ылыжеш. Саска кумеке, йоча-влак тыманмеш миен шуыт.



Сад-пакчана телымат ялнам сораастара. Пуйто лум тошакым пуртус тушко шара. Олмапун кажне парчаже чинчыла йылгыжеш.

Александр МИХАЙЛОВ.
Морко район.



Мотор вер

Кужьер – шочмо кундемемын ик эн мотор верже. Йошкар книгаш пурышо кушкыл-влак ер воктене шочыт. Серыште калыкклан канаш верым кельштарыме. Кужьер деке логалаш тура курыкым волыман, а мөнгеш күзаш шуко вий күлеш. Тушко кажне кенежым йоча-влак экскурсий дене коштыт, мыят миенан.

Елена ФЛЕГЕНТОВА.

Провой кундем, Керебеляк.

Ялыштына ныл памашинча йыргыктен йога. Тунемше-влак кажне шошым памашым эрыктена. А тудо мыланна таушта: тамле вудшо дене сийла.

Анастасия ЭЛЕМБАЕВА,
6-шо класс.

У Торъял,
Токтарсола.

Йомак

Илен улмаш чодыраште шонго Кож. Тудын имыже-влак тыгыде, шуркалыше лийыныт. Икана эн кұшыл укшыштыжо тушман-влак верланеныт: пунан Шукш имыжым, а Копшанге коргыжым кочкыныт.

Ик кечын Кож воктеч Меран кудал эрта. Йодеш:

- Кож кочай, мо лийынат?
- Мыйым Шукш ден Копшанге витарат. Ала полшен кертат?
- Мый изи улам, капышкет күзен ом керт, – манеш Меран да умбаке кудалеш.

Вес кечын Кож дек Рывыж толеш. Кож сөрвален йодеш:

– Шўжарем, мыйын эн кұшыл укшыштем пунан Шукш ден Копшанге верланеныт. Нунын деч углаш ала полшет ыле?

– Тый денет шогылташ жапем уке, – манеш Рывыж да кудал колта.

Кумшо кечын Кож Шиштым ужеш. Йодеш:

– Шиште, поро йолташем, мыйын эн кұшыл укшыштем пунан Шукш ден Копшанге верланеныт. Ала тый мыйым нунын деч утарет?

– Точен ончем, – манеш Шиште да нерже дене Кожым перкалаш тўналеш. Ик жап гыч пунан Шукшым шупшыш луктеш.


– Кож, ит сыре, Копшангым кучен шым сенге. Мый палем, кў тидлан мастар.

Шиште чодыра коклаш чонешта. Унчылигисам кычал муэшат, Кож нерген каласкала. Унчылигиса Кож дек чонештен мия, кұшыл укшышкыжо шинчеш да Копшангым чўнгалынат луктеш.

Кож куштылгын шулалта. Кож ден Шиште поро йолташ лийыт, а Унчылигиса унала чонештен толеда.

Полина БИРЮКОВА, 3-шо класс.

У Торъял, Кузнеч.



Сергей Григорьевич Чавайнын вич томан ойпогыжын (тудо 1967-1968 ийлаште лектын) «Проза, публицистика» ужаышыже (2-шо том) «Самырык-влаккан серыш» уло. Тудо тыге тўнагалеш: «Рвезе йолташ-влак! 4-ше номеран «Пионер йўкеш» возымыдам лудым. Тиде возымыда мыйым пеш куандарыш...» Пытартыш предложений – «Писатель салам дене С.Чавайн».

«Писатель салам дене С.Чавайн»

Вигак йодыш лектеш: Сергей Чавайнлан могай да кусо рвезе-влак возеныт улмаш? Да тудланак, Чавайнлан, гына сереныт мо? Мо нерген ойлалтын тиде возымаште? Писательнын 2-шо томжым ямдылыше-влак нине йодышлан вашмутым ала-молан пуэн огытыл.



А пашаже тыге лийын. Медведево ялысе (кызыт посёлко) пеле кыдалаш школышто тунемше-влак 1935 ий шошым писательшамычлан (С.Чавайнлан, О.Шабдарлан, М.Шкетанлан, Олык Ипайлан да молыланат – нуныжын лўмышт ончыкталтын огыл) письмам возеныт, тушто нуно рвезе тукумлан лудаш йўршў сылне произведенийым утларак сераш, а тиде письмаман вашмутым газет але журнал гоч пуаш йодыныт.

Йоча-влакын ойышт «Пионер тунемше-влакын серышышт» вуймут дене «Пионер йўк» журналеш (4-ше номер) да «Рвезе коммунист» газетеш (1 май) лектын. Журналыште серыш мучаште 39 фамилий ончыкталтын, газетыште – кудыт.

Кум писатель: С.Чавайн, Шабдар Осып да Олык Ипай – самырык тукумлан вигак вашештеныт, нунын серымышт «Пионер йўкын» иктеш савыктыме визымше-кудымшо номерешыже лектыныт. Вашмут-влак тўрлў кугытан улыт: Чавайнын – лач ик странициан, Шабдарын – кум странице деч шукурак, Ипайын – моткоч кўчык. Тудым тыште тичмашын ончыктена:

«Вашмутем да йодышем. Тений «Пионер муро» лўман йоча почеламут сборникым луктынам. Адак «Ямде лий» газет ден «Пионер йўк» журналеш икмыняр почеламут-влакем печатлалтыныт. «Пионер муро» сборникысе почеламут-влакем лудын улыда мо? Лудын улыда гын, можо келша, можо ок келше? Ончыкыжо тыланда кузе возаш? Тендан деч нине йодыш-влаккан вашмутым вучем. Мыйын адресем тыгай: Йошкар-Ола, Совет урем, 60, «У вий» журнал редакций. Олык Ипайлан. Комсомол салам дене Олык Ипай».

Кум писатель гыч иктыже гына – Шабдар Осып – вашмутым кунам возымыжым раш ончыктен: 1935 ий 27 апрель. Тудо йоча-влакым «шольо-шўжар-влак» да «рвезе-влак» манын, шке илышыже, пашаже да сылнымутын ойыртемже нерген пеш проста йылме дене ойлен пуэн. Моткоч онай, келге содержаниян тиде серыш але марте писательнын ик книгашкыжат пурталтын огыл.

Ынде – Сергей Чавайнын вашмутшо нерген. Тудо «Пионер йўк» журналеш «С.Г.Чавайн йолташын серышыже», а «Рвезе коммунист» газетеш (1935 ий 1 май) «Медведево п.к. школышто тунемше пионер-влаккан» вуймут дене печатлалтын.

Писательнын произведенийлажым том дене савыкташ

ямдылыше-влак (писатель Ким Васин, Юрий ден Галина Чавайнмыт) серышын текстшым изиш кўчыкемденыт, икмыняр тўрлатымашым пуртеныт да письмаман «Самырык-влаккан серыш» вуймутым пуэныт.

Серыш мучаште писатель тыге каласен улмаш: «Мланде кошкымеке, те пасушко мойн кошташ тўналыда гын, тендан илышдам ончалаш мияш шонем. Увертарыз, кунам мияш лиеш?» Тиде ойым ала-молан удырал шуымо. Икымше абзацыште С.Чавайн «Те, пионер-влак, писатель-влакын илышыштым огыда шинче» манын серен. Тиде предложеният лектын возын. Сергей Григорьевич «Акпатыр» драмым савыкташ 1 майлан ямдылен шуктымж нерген увертарен. Но книгаште «шуктенам» олмеш «шуктынем» лийын шинчын. «Писатель-влакын... жапышт уке» манме ой «жапышт шагал» сыным налын.

Чыла тидым молан ыштеныт – ялт умылаш огеш лий. С.Чавайнын возымыжым «саемдаш, сылныракым ышташ» шоненыт мо? Классикын возымыжым – тудо тылат кеч ача, кеч иза але коча лийже – вашталтылаш да кўчыкемдылаш огеш лий, тидлан нигўнат праваже уке.

Тунам, 1935 ий шошым, могай пашам шуктен шогымыжым писатель ВИЧ ПУНКТ дене ончыктен. Икымше – «Акпатыр» пьесым печатлаш ямдылен. Дrame тудо ийынак Йошкар-Олаште посна книга дене лектын. Кокымшо – марий калыкын 1905-1914 ийлase илышыж нерген романым сераш тўналын. Тудым шы-

жылан возен шукташ сөрөн. Ынде палена: «Элнет» роман кум ужашан лийшаш улмаш. Икымше ужаш 1936 ийыште Москошто посна книга дене савыкталтын. Кокымшым автор 1937 ий апрельыште возен пытарен, но тудын савыкталтмыжым ужын шуктен огыл. Кумшо ужаш шонымашак гына лийын кодын.

Кумшо пашаже – пионер илыш нерген пьесе, тудым автор 1 сентябрь марте серен шукташ шонен. Тыште ик кыдежан «Трус» пьесе нерген ойлалтеш. Тудо «Ямде лий» газетеш 1936 ий 26 майыште лектын. Писатель тыштак «Кутко» ойлымашым, а **ВИЗЫМШЕ** пунктышто шке илышыж нерген очеркым возымыж нерген увертарен. Очеркыштыже творчестве корныжым – «кузе мый поэт, писатель, драматург лийынам» – почын пуаш шонен. Но «Кутко» ойлымашат, мурпаша корныш кузе шогалме нерген очеркат возен шукталтын огытыл, С.Чавайнын архивыштыже нине произведенийын нимогай «кышашт» уке.

Писательнын **НЫЛЫМШЕ** пашаже рушла гыч кусарыме дене кылдалтын. Йочалан пöлеклалтше 15-20 страницан «Мемнан яслына» ден «Шотлена» книга-влакым Москосо Детгиз луктын.

Икмыняр мут марий писатель-влаклан серышым возышо ўдыр-рвезе-влак нерген. 39 фамилий кокла гыч кудытшо пелен гына лўмын тўналтыш букваже ончыкталтын. Спикшыште эн ончылно шогышо ўдыр, Казакова Ануk, вараже кумдан палыме ен: Марий АССР-ын культур министрже да правительстве председателынын алмаштышыже – лийын. Латвич ияш А.Казакова нерген журналист Ксенофонт Коряков ныл кыдежан «Ударнице» пьесым возен, а Никандр Лекайн – «Ануk шўжарлан» почеламутым.

Гельсий ЗАЙНИЕВ.

Снимкыште: С.Чавайн – Йошкар-Оласе 4-ше №-ан школышто. Пионервожатый – А.И.Медведкова. 1936.

Изи мастер

Книга арня



Школыштына йоча книгалан пöлеклалтше арня эртыш. Книгагудым вуйлатыше Э.А.Рыбакова туныктышо-влакын полшымышт дене шуко пайдале меропрятийым эртарыш. Тўналтыш класслаште тунемше-влаклан закладкым ышташ туныктышт (**снимкыште**). К.Чуковскийн йомакше-влак почеш модыш-викторине, «Книжный каравай», «В мире русской литературы» сыл-



Кече

мемнам ырыкта,
Кайык сылнын муралта.
Шошылан йывыртенна,
Ташлен лектеш куанна.

**Катя РАССАНОВА.
Морко, Коркатово.**

нымут тагасымаш лийыч. Йоча книга арняште **100 НАРЕ КНИГАМ** ачалыме. **Алёна РЫБАКОВА.
Куженер, Конганур.**

*Поро
пашам сокыр ужеш,
согыра колеш.
Марк ПВЕЧ!*

12 май – Медшўжар-влакын тўнямбал кечышт



Сўртым чыламе.



Кугезе коча-ковалан тау!

Йоча-влак ме улына,
Шучко сарым вурсена.
Тыныс илышым моктен,
Куаналын илена.

Ксения БУТЕНИНА,
1-ше класс.
Морко, Эгерсола.


1-ше номеран Морко йочасадыште Сеңымаш кечылан пӧлеклалтше пайрем эртен. Йоча-влаклан Кугу Отечественный сар жапысе илыш нерген каласкаленна. А нуно почеламутым лудыныт, тыныс кава йымалне кушмылан кугезе коча-кова-влаклан тауштенит.

И.В.АЛЕКСЕЕВА.

Кажне ийын 9 Май пайремлан Йошкар-Оласе 80-ше номеран йочасадын икшывыже-влак Курымашлык тул воктеке пеледышым пыштат (снимкыште). Кугезе коча-кова-влаклан тыныслыкым арален кодымыштлан вуйыштым сават.



Н.ГОДУНОВАН фотожо.



**К
Р
О
С
С
В
О
Р
Д**



Шола гыч пурлашке:

1. Кид ужаш. 3. Идалык ужаш.
7. Кужу почан кайык. 9. Сугланаш йӧратыше кайык. 11. Упшал кертдыме упш (тушто). 12. Пила шумымо ўзгар.


Кӱшычын ўлыкӧ:

1. Ошкылмо деч вара кодшо пале.
2. Иман пушенгын саскаже. 4. Лена энгерысе кугу порт. 5. Крепость.
6. Пырля пашам ыштыше ег тўшка.
8. Поэт Еремей Герасимовын шылышлўмжӧ. 10. Шаранге пушенгын вес лўмжӧ.

В.В.АЛЕКСАНДРОВ.

Йошкар-Ола.

Канyme паркыште – латкок олымбал. Кумытым чиялтыме. Паркыште чылаже мыняр олымбал?



Калыкмутым лудса.

1	2	3	4	5	6	7	8	9	10	11	12	13	14	15
К	А	Ы	В	Л	И	Й	У							

Оля АЛЕКСЕЕВА ямдылен.

Морко, Эгерсола.

Индекс: Марий Элыште - 78574,
вес кундемлаште - 52713.
Тираж 1300 экз. Заказ 934.
Формат – А-4-8.
Директор-тўн редактор
Л.В.СЕМЕНОВА.

E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.ru,
Тел. 45-25-49(факс);
45-22-82.

УЧРЕДИТЕЛЬ-ВЛАК:
Марий Эл Республикысе культур, печать да калык-влакын пашашт шотышто министерстве, «Ямде лий» газет» кугыжаныш унитарный казенный предприятий.

Газетым Массовый коммуникаций сферыште да культур наследийым аралымаште законодательством шуктен шогымым эскерыше Федеральный службн Приволжский федеральный округысо управленийыштыже регистрироватлыме.
Номер – ПИ №ФС 18-1999,
2005 ий 10 февральыште пуымо.

0+

Печатьыш пуымо жап – 14-00,
фактически – 13-00.
Ак – кутырен келыме почеш.

Авторын да редакцийын шонмашышт тўрлӧ лийын кертыт. Серыш-влак мӧнгеш огыт колталт.

Газетым редакцийыште погымо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Редакцийын да издательын адресше: 424006, Йошкар-Ола, СССР Вооруженный Вийын 70-ше идалыкше урем, 20.